



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԳԼԽԱՎՈՐ ՔԱՐՏՈՒՂԱՐ

« 18 » ապրիլի 2024թ.

No 5/1-9

Ո Ր Ո Շ ՈՒ Մ

**«ԷԼ ԸՆԴ ԷՎ» ՍՊԸ-ին գնումների գործընթացին մասնակցելու իրավունք
չունեցող մասնակիցների ցուցակում ներառելու վերաբերյալ**

Գնման ընթացակարգի ծածկագիր՝ «ՊԵԿ-ԷԱՃԱՊՁԲ-23/6»

Մասնակից՝ «ԷԼ ԸՆԴ ԷՎ» ՍՊԸ

/ՀՎՀՀ՝ 00522502, հասցե՝ ՀՀ, ք. Երևան, Երկաթուղայիններ 4-րդ փ, 2/6/

Համաձայն Հայաստանի Հանրապետության պետական եկամուտների կոմիտեի (այսուհետ՝ Գնորդ) և «ԷԼ ԸՆԴ ԷՎ» ՍՊԸ-ի (այսուհետ՝ Վաճառող) միջև 2023 թվականի դեկտեմբերի 12-ին կնքված «ՊԵԿ-ԷԱՃԱՊՁԲ-23/6-1» ծածկագրով պետության կարիքների համար ապրանքի մատակարարման գնման պայմանագրի Հավելված N 2-ի մատակարարման ժամանակացույցի Վաճառողի կողմից մինչև 2024 թվականի մարտի 12-ը պետք է մատակարարվեր պայմանագրի Հավելված N 1-ի՝ տեխնիկական բնութագրի բոլոր կետերին համապատասխանող ծառայողական շներին անհրաժեշտ չոր կեր, որը Վաճառողի կողմից չի մատակարարվել:

Հաշվի առնելով վերը նշված հանգամանքը՝ 2024թ-ի մարտի 13-ին տվյալ գնման առարկայի մասով պատասխանատու ստորաբաժանման գնման հայտը նախագծած ներկայացուցիչ՝ ՀՀ ՊԵԿ ՄԴՊՎ շնագիտական /կենտրոն/ բաժնի պետ Կարեն Բալայանի կողմից Վաճառողի էլեկտրոնային հասցեին (HaykLV@yandex.ru) ուղարկվել է համապատասխան իրազեկման գրություն՝ տեղեկացնելով, որ մատակարարման վերջնաժամկետ է սահմանված 26.03.2024թ-ը, ինչպես նաև տեղեկացվել է, որ համաձայն պայմանագրի 2-րդ կետի 2.1.7.1-րդ ենթակետի «բ» պարբերության՝ Գնորդին իրավունք ունի միակողմանի լուծել պայմանագիրն, եթե ապրանքի մատակարարման ժամկետները

խախտվել են 15 օրից ավելի և սահմանված ժամկետում պարտավորությունները չիրականացնելու դեպքում Գնորդն իրավունք ունի կիրառել Պայմանագրով նախատեսված տույժն ու տուգանքը և Վաճառողին ներառել գնումների գործընթացին մասնակցելու իրավունք չունեցողների մասնակիցների ցանկում:

Այնուհետև, 26.03.2024թ.-ին Վաճառողի կողմից Կարեն Բալայանի էլեկտրոնային հասցեին (karen_a_balayan@taxservice.am) ուղարկվել է գրություն՝ որով կազմակերպությունը խնդրել է տրամադրել 3 օր ժամկետ՝ ապրանքի մատակարարման համար:

29.03.2024թ.-ին Վաճառողի կողմից մատակարարվել է ապրանք, որի քանակական ցուցանիշը չի համապատասխանել պայմանագրով հաստատված գնման ժամանակացույցում նշված քանակին, մասնավորապես՝ պայմանագրի տեխնիկական բնութագրով նշված առաջին չափաքանակ՝ 200կգ-ի փոխարեն փաստացի մատակարարվել է 100կգ, ինչպես նաև՝ մատակարարվել է անպատշաճ որակի՝ տեխնիկական բնութագրին չհամապատասխանող ապրանք, սակայն Վաճառողի կողմից գնումների էլեկտրոնային (ARMEPS) համակարգի միջոցով ներկայացված արձանագրության մեջ մատակարարված ապրանքի տեխնիկական բնութագրի փոխարեն նշվել է պայմանագրում ներկայացված բնութագիրը և չի տրամադրվել նաև պայմանագրի արդյունքը Գնորդին հանձնելու փաստը ֆիքսելու վերաբերյալ ակտը:

Հաշվի առնելով առկա անհամապատասխանությունները՝ հայտը նախագծած ներկայացուցչի կողմից 01.04.2024թ.-ին գնումների էլեկտրոնային (ARMEPS) համակարգում տրվել է բացասական եզրակացություն, հետևաբար մատակարարված ապրանքը համարվել է չընդունված և ՀՀ ՊԵԿ ՄԴՊՎ շնագիտական /կենտրոն/ բաժնի պետ Կարեն Բալայանի կողմից Վաճառողի էլեկտրոնային հասցեին (HaykLV@yandex.ru) ուղարկվել է մեկ այլ իրազեկման գրություն՝ տեղեկացնելով, որ վերոնշյալ պայմանագրի 2-րդ կետի 2.1.2 ենթակետի «բ» պարբերության Վաճառողին տրամադրվում է ողջամիտ ժամկետ, այն է՝ 3 օրացուցային օր, ապրանքը փոխարինելու և պայմանագրով ներկայացված տեխնիկական բնութագրին համապատասխանող ապրանքը մատակարարելու համար, սակայն, ապրանքի մատակարարումն այդպես էլ չի իրականացել:

Վաճառողի կողմից խախտվել են Պայմանագրի էական պայմանները, հետևաբար, հիմք ընդունելով Պայմանագրի 2.1.7.1 կետի բ) ենթակետը՝ Գնորդը ստիպված է եղել միակողմանի լուծել Պայմանագիրը:

Պայմանագիրը լուծելու վերաբերյալ որոշումը պատշաճ կարգով և ժամկետում տեղեկացվել է Վաճառողին, իսկ հայտարարությունը սահմանված կարգով հրապարակվել է տեղեկագրում:

1. Եզրահանգում

Վերոնշյալ կարգավորումների համատեքստում անդրադառնալով առկա փաստական հանգամանքներին պետք է արձանագրել, որ ի հակադրություն Պայմանագրի պահանջների՝

Վաճառողը խախտել է Պայմանագրով ստանձնած պարտավորությունները, որը հանգեցրել է Գնորդի կողմից Պայմանագրի միակողմանի լուծմանը:

Ելնելով վերոգրյալից և ղեկավարվելով «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի ա) ենթակետի և 2-րդ մասի պահանջներով՝ որոշում եմ «ԷԼ ԸՆԴ ԷՎ» ՍՊԸ-ին ներառել գնումների գործընթացին մասնակցելու իրավունք չունեցող մասնակիցների ցուցակում:



ԷԴԳԱՐ ԳԵՎՈՐԳՅԱՆ